

## مقطع ٩٢٦ من مقاطع حظر التجول تدبر سورة البروج كاملة

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ستمية تسعه وعشرين من مقاطع التجول والحلقة الوحيدة من حلقات سورة البروج ارجو من حضراتكم تجبيوا المصاحف وخلونا نبدأ سورة البروج نزلت في الربع الاول من المرحلة المكية. يعني في اول سنوات - 00:00:01

وقت اشتداد الاضطهاد والتعذيب على المسلمين في مكة صورة البروج تتالف من اتنين وعشرين آية. اسمائها البروج ده اشهر اسم. وده الاسم المستخدم في المصاحف ومن اسمائها السماء ذات البروج. من باب تسمية الصور باول كلماتها. زي مسلا فيه سورة اسمها سورة سبحان. اللي هي سورة الاسراء عشان تبدأ - 00:00:31

وورد في السنة السماء ذات البروج بدون الواو كاسم فقط. يعني ورد سورة السماء ذات البروج. ماشي؟ لكن آآ طبعا ما فيش خلاف ان هي الصورة تبدأ والسماء ذات البروج - 00:00:59

الصورة ذكرت لمحه صغيرة من قصة عظيمة وردت في السنة النبوية باختصار انه كان في يعني كان هناك ملك وهذا الملك عنده ساحر وهذا الساحر كبر في السن فطلب من الملك يختار غلام علشان يديه له يعلمه السحر بحيس لو مات يبقى فيه ساحر في المملكة - 00:01:16

فاختار غلام يروح له كل يوم للساحر عشان ايه يعلمه السحر فالغلام وهو في الطريق كان يبعدي على راهب على دين المسيح صلى الله عليه وسلم يعني دياته ايه مسلم - 00:01:43

على دين المسيح. يبقى اكيد مش مسيحي يعني وحد بالله مش على الديانة المسيحية يعني الديانة الموجودة دلوقتي ديانة لا تمت لل المسيح بصلة يعني الراهب كان يقول له السحر حرام - 00:02:01

وكان يعلمه عقيدة التوحيد وان المسيح هو نبي الله وان الله آآ واحد وان وعلمه الصلاة وعلمه الدعاء وفي مرة الولد الغلام ده ماشي لقى ناس واقفين مش عارفين يمروا في الطريق لوجود دابة. يبدو ثعبان او حاجة - 00:02:16

فأخذ حجر وقال النهاردة انا هعرف مين اللي صح الراهب ولا السحر ودعني وقال اللهم ان كان امر الراهب احب اليك من امر الساحر فاقتل هذه الدابة بهذا الحجر. وراح رامي الحجر راح قاتل الحجر السودا - 00:02:37

قتل الثعبان الكبير من يومها ادرك الصح من الغلط بقى يعني كان اصبح متيقن وكان بيذعو الله انه يشفى المرضى وكان الناس تيجي له يرقىهم يدعى لهم يشفوا من ضمن الناس اللي دعا لها كان رجل اعمى يجلس مع الملك - 00:02:56

فقال له اشفيوني قال له انا لا اشفي. الله هو الشافي. فان امنت به دعوت الله لك فالرجل امن والغلام دعا له وشفاه ربنا وبقى بيشفوفه دخل على الملك الملك شافه داخل عليه بيشفوف قال له ايه اللي حصل؟ مين اللي شفاك - 00:03:21

قال له والله يا ابني من اللي قال لك الكلام ده؟ المهم قعد يعزبه لغاية ما دله على الغلام فاستدعي الغلام وقال له انت ازاي شفيته؟ قال له انا آآ ما باشفيش دا الله هو الشافي. قعد يعزبه لغاية ما دله على الراهب - 00:03:39

جابوا الراهب ارجع عن دينك الراهب يأبى حطوا المنشار على رأسه. على مفرق رأسه هترجع عن دينك ولا نشقك نصين قال لهم شقوا نصين وشقوا الراهب نصين ومات جمب الراجل اللي كان اعمى - 00:03:56

وضع المنشار على رأسه وقال له ارجع عن دينك فابى شقة نصين مات ارسل الغلام مع حراس يرمونه من اعلى جبل فاهاهتز الجبل وسقطوا وماتوا ورجع الغلام ماشي للملك تاني - 00:04:19

وارسلوا مع حراس في قرقور. قرقور يعني مركب قارب قال لهم غرقوه في وسط البحر. فلما بقوا في وسط البحر قامت عاصفة وانكفا القارب وغرقوا جميعا الا هو. ورجع على رجليه للملك تاني. الملك مش عارف يقتله ازاي - 00:04:36

فقال له عاوز تقتلني؟ قدامك حل واحد. الولد هنا شغل فقه الاولويات قال لك انا بنبي ادم واحد وحياة واحدة لكن ممكنا ده يؤدي الى انقاذه شعب كامل من الايه من الشرك ومن الكفر - 00:04:57

فادي الملك الفكرة اللي يقتله بها. قال له اجمع الناس كلها وخذ من كنانتي الكنانة اللي هي بيسموها ايه ايضا آآ الجمعة بتاعة السهام وقل بصوت مسموع باسم الله رب الغلام وارمي السهم - 00:05:12

والملك زي الحمار عمل كده قال قدام شعبه كله باسم الله رب الغلام. وضرب السام قتل الغلام. جه في صدره ومات الغلام فالناس كبرت ويا منا برب الغلام امنا برب الغلام - 00:05:33

فالملك امر جنوده حفروا الاخدود يعني حفروا زي خنادق كده في الطرق وبيقروا عليها في اول الطرق. ومولعين الخندق نار كل ما يمر شخص يسألوه هل تؤمن برب الغلام - 00:05:53

فان قال نعم قالوا ترجع عن دينك ولا نرميك في النار؟ فكانت هذه فتنة تعرض لها الناس العجيب ان الناس معزمهها ثبتت على دينها والقي بهم في النار احياء ولم يتردد الا ام معها طفل صغير - 00:06:16

عشان ابنها فالطفل نزر اليها وقال لها يا امهه اصبري فانك على الحق تعالوا بقى تدبر الصورة ونشوف الدروس اللي فيها اعوذ بالله السميع العليم من الشيطان الرجيم باسم الله الرحمن الرحيم - 00:06:40

والسماء ذات البروج واليوم الموعود وشاهد ومشهود قتل اصحاب الاخدود النار ذات الوقود اذ هم عليها قعود وهم على ما يفعلون بالمؤمنين شهود وما نقموا منهم الا ان يؤمنوا بالله العزيز الحميد - 00:07:01

الذى له ملك السماوات والارض والله على كل شيء شهيد ان الذين فتنوا المؤمنين والمؤمنات ثم لم يتوبوا فلهم عذاب جهنم ولهم عذاب باب الحريق ان الذين امنوا وعملوا الصالحات لهم جنات تجري من تحتها الانهار - 00:07:36

ذلك الفوز الكبير ان بطش ربك لشديد انه هو يبدأ ويعيد وهو الغفور الودود. ذو العرش المجيد. فعال لما يريد. هل حديث الجنود فرعون وثمود. بل الذين كفروا في تكذيب. والله - 00:08:07

محيط بل هو قرآن مجید في لوح محفوظ الصورة بدأت بقسم او بثلاث اقسام. اقسام جمع قسم يعني والسماء ذات البروج واليوم الموعود والشاهد ومشهود يعني ايه بقى؟ يعني ايه البروج - 00:08:38

البروج جمع برج. وهو القصر او القلعة والفلكيين قسموا النجوم حسب مسارات معينة. مدرسة علميا الى ابراج المسارات دي بيسير فيها القمر تلاته تلاته وتنبت في كل مسار فسموا كل مسار من دول برج - 00:09:09

والشمس بتقابل كل برج من هذه الابراج شهر في السنة فهذه الابراج عبارة عن تجمعات من النجوم. ركز معنی. تجمعات من ايه؟ من النجوم تظهر اشكال معينة اشكال هندسية بتتألف من خطوط مستقيمة كده. خطوط - 00:09:36

خليني اوريكم دلوقتي صورة لبرج من الابراج دي اهو ده احد الابراج. عبارة عن نجوم عبارة عن النجوم يعني كواكب متلائمة. النجوم الكبيرة المتلائمة وبيعملوا المسار ده بتقابل الشمس مرة آآ شهر في السنة - 00:10:00

وبعد كده تنتقل الى مسار اخر اذا ربنا في القسم الاول اقسام بالسماء اللي فيها البروج ركز معنی عشان الكلام ده له معنی القسم الثاني ربنا قال فيه واليوم الموعود - 00:10:24

بلا جدال هو يوم القيمة لان ربنا قال في سورة المعارج ذلك اليوم الذي كانوا يوعدون. بقى اليوم الموعود هو يوم القيمة بقى اقسام بييه تجمعات نجمية واقسم بيوم القيمة - 00:10:46

القسم الثالث وشاهد ومشهود اي شاهد وايمان كل شاهد وكل مشهود كل شيء حتى الله الله شاهد في صورة سورة ال عمران ربنا بيقول شهد الله انه لا الله الا هو والملائكة واولو العلم قائم - 00:11:11

بالقسط الله شاهد. وكل ملك شاهد. وكل واحد من اولي العلم شاهد. ايه رأيكم بقى والنبي عليه الصلاة والسلام شاهد في سورة

الاحزاب ربنا بيقول يا ايها النبي انا ارسلناك شاهدا ومبشرا ونذيرا - 00:11:37

كل شيء وشاهد ومشهود كل شاهد. وكل مشهود والمشهود مقصود به كل مشهود. كل من شهد عليه كل من شهد يصلي. كل من شهود يجاهد. كل من شهود يصبر او كل من شهود وهو يقتل او كل من شهود وهو يظلم او كل من شهود وهو يشرك وهو يكفر او وهو يخون - 00:11:59

قسم ضخم جدا وشاهد ومشهود دول تلات اقسام اول قسم والسماء ذات البروج تاني قسم واليوم الموعود تالت قسم وشاهد ومشهود. طب فين المقسم عليه؟ الله ربنا بيقسم على ايه - 00:12:28

اشياء كثيرة من اول الاية اربعة الاية تلتاشر. كل دى حاجات ربنا بيقسم عليها. اول حاجة فيها الاية اربعة قتل اصحاب الاخذود قتل بمعنى لعن ملعونين اصحاب الاخذود دول اللي حفروا - 00:12:53

الاخذود الاخاديد اخذود اه يعني اه جنس الاخاديد نفسها. اذا هم حفروا اخاديد ليحرقوا فيها مين ؟ النجوم نجوم ايه نجوم المجتمع نجوم المجتمع يعني ما هو النجوم هم المؤمنين - 00:13:13

الموحدين الصابرين الثابتين احنا بنستخدم كلمة نجوم غلط بنسمي ناس ما تستحقش كلمة نجوم بنسميمهم نجوم مش ممكن لا احد الصحابة قال ان الملائكة ينظرون من السماء الى الذين يتهجدون بالليل كما تنظرون انتم الى نجوم السماء. عرفتم مين هم النجوم - 00:13:36

النجوم الناس اللي بتتهجد بالليل اهل السماء يرونهم كما نرى نحن النجوم. الله لكن مش ممكن كل هيفه وكل هبلة وكل اي ناس من دول لا ما سموهمش نجوم دول مش نجوم - 00:14:13

دول قلوع قل عليهم اي حاجة مشهورين ما تشتمهمش قل عليهم ناس مشهورة عليهم اي حاجة. بس ما تسمهمش نجوم بالزات نجوم ما يستحقواهاش النجوم هم الموحدين قال رسول الله صلى الله عليه وسلم - 00:14:27

فضل العالم على العابد كفضل القمر على سائر الكواكب. افضل. يعني ايه بقى فضل العالم بالنسبة للعالم. لما تقارن العالم الانسان اللي عنده علم بالنسبة للعبد العابد يعني الانسان عبد - 00:14:47

كثيرا انا لعبت كورة. هل انا لاعب كورة ؟ لا ما اسميش لاعب كورة ليه ؟ لأن لم يتكرر مني الفعل كثير ولم اعرف به. لكن الانسان يكتزب اسم الفعل - 00:15:08

لما يتكرر منه كثيرا ويترقبه. اذا العابد هو شخص عابد معروف بانه متبع باستمرار منقطع للعبادة الرسول عليه الصلاة والسلام بيقول فضل العالم اللي عنده علم على العابد كفضل القمر على سائر الكواكب هو ده اللي يهمني هنا بقى مين هم بقى - 00:15:19

هنا الكوكب هو النجم المتأله في الشرع وفي القرآن الكوكب مش يعني بلانت صخري لا في بالتالي لما الرسول صلى الله عليه وسلم بيقول على الناس دي هي النجوم بيقى هم دول النجوم - 00:15:39

بيقى هم حفروا الاخاديد ليحرقوا المؤمنين ليحرقوا النجوم. فشوف بقى لما ربنا يقسم بالسماء ذات البروج اللي فيها التجمعات نجوم على ان ملعون اللي قتل نجوم الارض. سبحان الله اقرا معي الاية خمسة وستة وسبعة - 00:15:53

النار ذات الوقود. اذ هم عليها قعود وهم على ما يفعلون بالمؤمنين شهود فهمتم بقى الربط بين البروج اللي في السماء وبين المؤمنين اللي احرقوا في الاخاديد في الاخذود. الاخذود يعني شق في الارض بيحدثه السيل - 00:16:18

المطر ينزل فيتجمع على الجبال وينزل يسيل من الجبال فالسيول بتحفر اخاديد لذلك يسمى الخد خد لان الدموع تسيل عليه اربط بقى بين البروج اللي هي التجمعات من نجوم السماء في شكل خطوط مستقيمة - 00:16:44

فرربنا اقسم بها على لعن من قاموا بالقاء نجوم الارض في خطوط مستقيمة اللي هي الاخاديد حفروا الاخذود واسعلوا فيها النار بالوقود النار ذات الوقود وقعدوا عليها اذ هم عليها قعود كل ما يمر عليهم مؤمن يراودوه - 00:17:06

تكفر ولا نحرقك؟ والقوا بالمؤمنين في النار احياء وجلسوا يشاهدون بكل قسوة الناس وهي تحرق ما فيش في قلوبهم رحمة وهم

على ما يفعلون بالمؤمنين شهود كانوا عاززين منهم ايه - 00:17:27

هو ما كانش ينفع مسلا ياخدوا فلوسهم ويسيبوهم وما نقموا منهم الا ان يؤمنوا بالله العزيز الحميد الحاجة اللي اغضبتهم الحاجة اللي كرهوها جدا فيهم هي اليمان هي اليمان الا ان يؤمنوا بالله العزيز الحميد. خلي بالك - 00:17:52

مش الا ان يؤمنوا بالله الرزاق مش الا ان يؤمنوا بالله الغفار؟ لا هم لا يكرهون في الله صفة الرزاق بالعكس ولا يكرهون في الله صفة الغفور ولا الرحيم ابدا بالعكس - 00:18:20

الطاغية يريد ان يكون هو العزيز الوحيد الذي يغلب ولا يغلب ويريد ان يكون هو الحميد الوحيد الذي يحمد الناس على رغيف العيش يحمدوه. على النفس اللي بيتنفسوه يحمدوه على الامن اللي عايشين فيه يحمدوه. على حقوق الانسان الرئيسية جدا اللي ربنا جعلها حق لهم يحمدوه. عاززهم يحمدوه عليها - 00:18:37

فهو متضايق ليه العزيز الحميد ما ينفعش يكون الا الايه الطاغية كل حاجة لازم تحصل لازم الطاغية يذكر. والكل يطلع يشكره. وان ده فضله على الشعب. واحنا مش عارفين لازم عزيز حميد - 00:19:06

اقرا تسعه الذي له ملك السماوات والارض والله على كل شيء شهيد الله ومالك السماوات والارض وهو يشهد على كل ما يحدث من طغيان ومن عدل ومن شرك ومن توحيد ومن ايمان ومن كفر - 00:19:30

كلمة شهادة هتلاقوها متكررة في النصف الاول من السورة كتير يعني في اه ثلاثة وشاهد وشهود. كل شاهد وكل مشهود ده في القسم وفي الاية سبعة وهم على ما يفعلون بالمؤمنين شهود المجرمين شهود على ما يفعلوه من اجرام - 00:19:52

الاية تسعه الذي له ملك السماوات والارض والله على كل شيء شهيد. الله شهيد على المجرمين. وهم يشهدون على انفسهم. يبقى ربنا شهيد على كل شيء يعني على ايه يعني شهيد على اجرامهم وشهيد على شهادتهم انهم مجرمين - 00:20:17

لان فيه واحد بيغلط غصب عنه لكن دول يشهدون على انفسهم فيه واحد بيغلط ويندم وما يكرر غلطته. لكن دول غلطوا واصروا على الغلط لغاية ما افناوا آمة كاملة - 00:20:44

امة كاملة اقرا عشرة ان الذين فتنوا المؤمنين والمؤمنات ثم لم يتوبوا لهم عذاب جهنم ولهم عذاب الحريق ان اداة توكيده ان الذين فتنوا المؤمنين والمؤمنات. الناس اللي فتنوا المؤمنين - 00:21:00

يعني جعلوهم في موضع يختار فيه بين دينهم وبين دنياهم. دي فتنة الطاغية بيفتن الناس. يعني بيعملهم يختاروا بين حقوقهم في الدنيا ابتداء من اموالهم وبيوتهم ومناصبهم وحياتهم بحرية. وتدرج الى ابقاءهم على قيد الحياة. وبين المبادئ والقيم - 00:21:32  
اذا ما اخلتني عن قيمك الدينية تفقد حياتك او تفقد حريرتك او تفقد مالك او تفقد بيتك او تفقد شغلك او او يعني اللي يتنازل عن دينه وعن مبادئه - 00:22:02

مش هيفقد دول بل بالعكس يغروه ب حاجات اكتر وفي ناس فتنوهم بالاغراءات. ففي مؤمن مسلا لا يستطيع الزواج فاللي طول النهار بيتجروا له افلام واغاني ومسلسلات تجعله لا يستطيع ان يصبر على الواقع في الحرام. دول فتنوا المؤمنين والمؤمنات ايضا. هي المسألة مش بس - 00:22:18

حكام طغاة وكل من يساعد في فتنة المؤمنين والمؤمنات. والفتنة هنا هي انك تجعل المؤمن يختار بين دينه وبين اه المتع او حقوقه حقوق الانسان طيب كل بقى من فتن المؤمنين والمؤمنات دول عقابه ايه؟ اقرا الاية عشرة - 00:22:41

ان الذين فتنوا المؤمنين والمؤمنات ثم لم يتوبوا ربنا يغفر لهم ثم لم يتوبوا فلهم عذاب جهنم ولهم عذاب الحريق ايه قيمة ذكر عذاب الحريق بعد ذكر عذاب جهنم ما هو عذاب جهنم! اكيد بيشمل عذاب حريق يعني - 00:23:09

يا جهنم ما فيش فيها حريق ازاي؟ اكيد بيشمل عذاب الحريق قال لك عذاب جهنم بكل انواعه بما فيه الحريق ده في الآخرة فلهم عذاب جهنم بانواعه. ده في الآخرة - 00:23:35

ولهم عذاب الحريق في الدنيا اما ان ربنا يحرقه او يحرق قلبه او يحرق قلبه بافتضاحه او يحرق قلبه بخسارته منصبه او بعزله بطريقة مهينة. او يحرق قلبه على اولاده او على احباوه كما حرق قلب المؤمنين على اولادهم واحباوه - 00:23:52

اذا هناك حريق قلب يحدث في الدنيا وان لم مش بالضرورة ان يكون هزيمة عسكرية مش بالضرورة لكن هناك ما يحدث في الدنيا يصيبه بكآبة شديدة وبحريق قلب في الدنيا - 00:24:14

لو نلآخر في الصورة ان من القصة الطويلة بتاعة الغلام دي الصورة لم تأتي الا بجزء صغير من القصة بتاع ثبات المؤمنين على دينهم ولم تذكر بقى ان الملك الكافر حصل له اي حاجة في الدنيا خالص - 00:24:32

الصورة دي نزلت تربى قلوب الصحابة وهم بيسحلوا في مكة على الرمال الساخنة. وتوضع على صدورهم الصخور الضخمة عشان يكفروا بالله فلم تعدتهم السورة باي نصر مادي في الدنيا خالص. كان ممكن ربنا يقول لهم هتنتصروا في بدر وهتفتحوا مكة - 00:24:59

بس اصبروا لا لا الصورة نزلت تربى قلوب الصحابة على اخراج كل شيء خارج الاجندة بتاعتهم. الا ارضاء الله بس اصحاب الرسالات والمبادئ قد يكون نصرهم نصر مادي في الدنيا وقد لا وقد ما يحصلوش نصر مادي في الدنيا ويبقى نصر معنوي فقط - 00:25:24

سيدنا محمد عليه الصلاة والسلام انتصر ماديا ومعنىوا فتح مكة واستسلمت له الجزيرة العربية ودخلت القبائل في فانتصر نصرا ماديا سيدنا موسى انتصر نصرا ماديا انما السيد المسيح اين نصره المادي في الدنيا؟ ما فيش - 00:25:53

نصر معنوي فقط سيدنا ذكريا سيدنا يحيى عليهما السلام اذ ذبحا هم انباء اين نصرهم المادي في الدنيا نصر معنوي بان ربنا ثبتهم على الدين. طيب. قصة اصحاب الاصدود من الذي انتصر فيها - 00:26:14

الملك ولا المؤمنين هل الملك كان يريد انه يقتلهم؟ لأن كان يريد انهم يكفروا لم يعطوه ما يريد. وربنا ثبتهم على دينه الى ان لقوا الله على دينه فتنزل السورة تعلم الصحابة ان نصر اصحاب الرسالات نصر معنوي اساسا وهو انتصار - 00:26:31

المبادئ والقيم الاسلامي علمت الصحابة يخرجوا كل شيء خارج الاجندة حتى التمكين لدين الله ما قلهمش ربنا انهم هيفتحوا مكة في يوم من الايام حتى النصر المادي العسكري في الدنيا خرج برة الاجندة خلي هدفك الوحيد ارضاء الله - 00:26:59

لما حصل ده واصبحت ايماناتهم بهذا المستوى جاء نصر الله والفتح بعد كده. لما القلوب اصبحت معدة واصبح ما فيش فيها الا الله اه هو ده المعنى اللي لازم يكون في قلوب المؤمنين عبر العصور. اللي مش في قلبه هذا المعنى ومتتعجل انه يريد نصر مادي - 00:27:24

في الدنيا ولا يقبل الا ذلك هو ده اللي بنشوفه بيرتد على اعقابه او بيترك الدين تماما او بيعت肯س يروى عن النبي صلى الله عليه وسلم الا ان رحاح الاسلام دائرة - 00:27:46

فدوروا مع الكتاب حيث دار الا ان الكتاب والسلطان سيفترقان فلا تفارقوا الكتاب الا انه سيكون عليكم امراء يقضون لانفسهم ما لا يقضون لكم ان عصيتهم قتلوكم وان اطعتموهن اضلوكم قالوا يا رسول الله كيف نصنع - 00:28:06

قال كما صنع اصحاب عيسى ابن مريم نشروا بالمناشير وحملوا على الخشب يعني اتصلبا موت في طاعة الله خير من حياة في معصية وهو ده اللي عمله الالبيت سيدنا الحسين سيد شباب اهل الجنة والبيت ماتوا واقفين على رجلיהם ولم يركعوا للطغاة - 00:28:38

عبدالله بن الزبير بن العوام من العبادلة الاربعة صلب في مكة. وامه اسماء بنت ابي بكر ذات النطاقين هي اللي شجعته على الثبات امام الطغاة ولما خاف قال لها يا ام - 00:29:03

اني اخاف ان يمثلوا بجثتي بعد ان يصلبوني ويقتلوني. قالت وما يضير الشاة سلخها بعد ذبحها فامض على بصيرة من الله الشاة مش بتتألم وقت السلح بعد ما هي خالص انتدبت. امه - 00:29:19

ولما الحجاج ابن يوسف الثقفي المجرم صلبه قال لها ارأيتي ما فعلت بولدك قالت نعم رأيت هي كانت ضريرة على فكرة في الوقت ده خالص كانت فقدت عينيها لكن قالت نعم رأيت. افسدت عليه دنياه وافسد عليك اخرتك - 00:29:39

المؤمن لا ينتظر الا ما عند الله. بس دي معاني مهمة احنا نتربى نربي نفينا عليها ونربي اولادنا عليها. اقرأ بقى من اتناسن لاري عتاشر

ان بطش ربک لشديد. انه هو يبدئ ويعيد. وهو الغفور الودود - 00:30:02

ان بطش ربک لشديد. عقاب الله اذا نزل في الدنيا بيقى شديد بعد ما يعاقب انه هو يبدئ ويعيد. يبعث مرة اخرى ليحاسب في يوم 00:30:25 البعث وهو الغفور الودود. غريبة جدا يعني جاية في وقت

يعني بيغري بها المجرمين والعصاة. انهم مهما اجرموا وعصوا الله باب التوبة والمغفرة مفتوح وهو الغفور الودود الودود من الود والود هو الحب ان الله يحب التوابين ويحب المنتهرين فشوف القرآن ياخذك ازاي بمشاعرك ويقوم نازل بك في الاتجاه المختلف حاجة حاجة رائعة - 00:30:48

اقرا خمستاشر وستاشر ذو العرش المجيد فعال لما ي يريد العرش هو اعظم المخلوقات. هو عالم يحيط بالسموات لما نقول الله ذو العرش ذو العرش دالة على السلطة والحكم. ما هو ممکن يكون ملك - 00:31:24 في المنفى او ملك معزول عن الحكم وما فيش ملك ثاني متعين. لكن لا يقال عنه انه جالس على العرش الا اذا كان مقايلد الحكم في ايده ذو العرش المجيد فعال لما ي يريد - 00:31:47

كل شيء بيده يصرفة كيف يشاء. فهو ذو العرش المجيد هي دي صفة ذو العرش انه لا يكون في الدنيا الا ما يرى هو انه يجب ان يكون في حاجة احنا ما فكرناش فيها - 00:32:02

قصة اصحاب الاصدود بقى دي المؤمنين فيها ماتوا محروقين ما فيش حاجة حصلت للملك ما احناش شايفين حاجة حصلت للملك خالص مش دي ممکن تكون وبتتشجع كفار مكة شوية نعم - 00:32:17

قصص اصحاب الاصدود فيها عبرة للمؤمنين فعلا بس مش الكفار مكة بعض الادوية ممکن يكون لها اثار جانبية ضارة دواء كحة يعالج الكحة بس ين Vim ماتاخدوش قبل ما تسوقوا - 00:32:40

دوا للصداع يعالج الصداع بس يسهر ما تاخدوش بالليل ولا مش هتعرف تنام قصة اصحاب الاصدود ممکن يظن منها كفار مكة ان ربنا ما بيعاقبsh اللي بيصده عن سبیل الله ويعذبوا المؤمنين - 00:32:57

اقرا بقى سبعتاشر وتمنتاشر. هل اتاك حديث الجنود؟ فرعون وثمود يقون ربنا يذكر بفرعون اللي هو اكبر طاغية في التاريخ حتى ويعني حتى وقت نزول القرآن يعني. كان اكبر طاغية في التاريخ - 00:33:14

وتمود اللي هم قوم في الجزيرة العربية يعني ليسوا بعيدين من مكة مكانهم ولا زمانهم بعيد من من من قريش ربنا ذكر بفرعون وتمود دول لان نزل عليهم بطش ربنا الشديد في الدنيا - 00:33:32

احسن بعدين قريش تسمع القصة بتاعة الغلام والملك ويروحوا يعملوا اخايد ويرحرقوا المؤمنين. ها والله من ورائهم محيط بل الذين كفروا في تكذيب والله من ورائهم محيط يعني ان الكفار اللي عندك يا محمد - 00:33:50

اللي بيذبوا بالبعث دول لو لسة بيذبوا فكرهم ان ربنا من ورائهم محيط. وفكراهم بفرعون وتمود اللي هم اقوى من فرعون ولا هم بعيدين عن تمود هم اصلا اضعف من الاتنين دول - 00:34:22

لازم يفهموا ان ربنا من ورائهم محيط مسيطر على كل احوالهم. ويستطيع ان يمحقهم في ثانية اقرا واحد وعشرين واتنين وعشرين بل هو قرآن مجید في لوح محفوظ. لها قراءتين - 00:34:41

قراءة نافع يعني ورش وشعبة. الاتنين بيقرؤوها في لوح محفوظ. انما القراءة بتاعة الجمهور ومنها قراءة حفص عن عاصم اللي احنا بنقرأها في لوح محفوظ اظن بس احنا عشان بنقف عليها بنقول في لوح محفوظ. فما بناخدش بالنا ان فيه فرق في القراءة - 00:35:00

ايه الفرق؟ في لوح محفوظ اللي هي القراءة اللي احنا بنقرأها القراءة حفص بيقى المحفوظ هو اللوح لكن القراءة ورش وشعبة في لوح محفوظ بيقى المحفوظ هو القرآن بل هو قرآن مجید محفوظ في لوح - 00:35:24

فهمتوا؟ طيب معناها ايه؟ جمع القراءتين ان قرآن مجید اه محفوظ في لوح اللوح كمان محفوظ يعني ايه؟ يعني زيادة في التأكيد ان الكفار لو قتلوا المؤمنين اللي في العالم كله لن يقضوا على الحق. الحق محفوظ عند الله - 00:35:52

القرآن موجود عند الله ولا احد يستطيع ان يمس الاسلام وبذلك تم بفضل الله تدبر سورة البروج وغدا نبدأ سورة الطارق اللهم انا  
نسألك حبك وحب من يحبك وحب كل عمل يقربنا الى حبك - 00:36:17

اللهem ما رزقتنا ما نحب فاجعله قوة لنا فيما تحب وما زويت عننا مما نحب فاجعله فراغا لنا فيما تحب اللهم اجعل حبك احب اليها من  
اهلينا واموالنا ومن الماء البارد على الظمة - 00:36:43

اللهem حبنا اليك والى ملائكتك وانبيائك ورسلك وعبادك الصالحين. واجعلنا من يحبك يحب وانبيائك ورسلك وعبادك الصالحين  
اللهem احبي قلوبنا بحبك. واجعلنا لك كما تحب. اللهم اجعلنا نحبك بكل قلوبنا - 00:37:01

نرضيك بكل اجسادنا. اللهم اجعل حبنا كله لك وسعينا كله في مرضاتك اللهم اجعل القرآن الكريم ربيع قلوبنا ونور صدورنا وجلاء  
احزاننا وذهاب همومنا وغمومنا ومغفرة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميما -  
00:37:26

اللهem فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون فبحق كل حرف في كتابك تلوناه  
او تدبرناه. اكفنا واهلينا واحواننا واحواتنا شر كل ما يكيد لنا ولهم. واحفظنا - 00:37:55

وایاهم من شرورهم ونجعلك اللهم في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه.  
00:38:13

ايد بنصرك المرابطين في الارض المباركة فلسطين. وكن مع احواننا في - 00:38:33  
تركمستان الشرقية وفي الشام وفي كشمير وفي الهند. وانصر من نصرهم واحذر من خذلهم وطهر المسجد الاقصى من الدنس فانهم  
لا يعجزونك اللهم من قضى منا بالوباء المنتشر فاكتبها له شهادة - 00:38:33

ومن كان منا او من احبابنا او من اخواننا او من اخواتنا او من مشايخنا او من علمائنا مريضا به او حاملا له فالبسوا ثوب الصحة  
والعافية عاجلا غير اجل. ومن لم يصب - 00:38:49

فقه شره وابعده عنه ولا تسلطه الا على اعدائك واعداء دينك واعداء اوليائك. اللهم انك تعلم ان هذه القلوب وقد اجتمعت على كتابك  
وعلى محبتك والتقت يا ربنا على طاعتك وتوحدت على دعوتك وتعاهدت على نصرة - 00:39:03

فوثق اللهم رابطتها وادم ودها واهدها سبلها واملاها بنورك الذي لا يخبو واشرح صدورها بفيض الايمان بك وجميل التوكل عليك  
واحبيها يا ربنا بمعرفتك وامتها يا مولانا على الشهادة في سبيلك انك نعم المولى ونعم النصير. والسلام عليكم ورحمة الله -  
00:39:23

وبركاته. ونراكم غدا باذن الله في نفس هذا الموعد ان كنا من اهل الدنيا - 00:39:43